

# 野史纂略



四上

部類	常
番号	中學校藏書
記号	特
冊數	一 七

Z10  
91  
Vol.5



野史纂略卷四

水府 青山延光伯卿 輯

天和元年春正月二十八日 天將軍常憲公

朝遣使

諸國巡察風俗二月七日召上野護國寺僧亮賢賜

高田藥園建精舍仍號護國寺以 將軍在孕時有

所禱也九日流土佐守加加爪直清於伊勢直清父

前甲斐守直隆於土佐先是父子與成瀬吉右衛門

爭疆界有私遂坐沒食邑一萬三千石代官伊奈左

門坐黨之流出羽十九日會津侍從源正經致仕弟

正容襲封二十日老中能登守土井利房罷二年

五日徙封備中守堀田正俊於下野古河。內膳正板倉重通於武藏巖付。對馬守阿部正興於丹後宮津。周防守土井利益於志摩鳥羽。遠江守那須資祇於下野烏山。增正俊封五萬石。重通一萬石資祇五千石。正俊轉筑前守。二十七日雅樂頭酒井忠清致仕子忠舉襲封割二萬石賜次子忠寬。二十八日紅毛來聘三月二十六日豐後守阿部正武為老中夏四月十日將軍觀猿樂於二丸五月十九日前雅樂頭酒井忠清卒。初忠清為嚴有公所親任勢焰薰熾。中外四方贈遺相屬時人呼曰下馬將軍。公病

篤議立儲嗣忠清頗有異論。及將軍立罷大老尋致仕。至是世或謂忠清憂懼自殺。將軍聞而疑之。欲遣使診視女婿藤堂高久松平定有請曰。流言蜚語果何所徵。臣等請以百口保之。將軍乃止。二十一日封伊豫守板倉重形於上野安中重形周防守重宗第二子也。六月二十一日召越後家臣小栗正矩。萩田主馬永見長賴親聽訟。初越前參議忠直既廢。生二子長良長賴及一女於流所。越後守光長憫永見右衛門冤死。令二弟冒永見氏以妹嫁小栗正矩。光長世子綱賢先卒無子。長良亦發死。時人謂長

賴必為世子。正矩狡譎多智。詐言長賴當立。長賴大悅。傾心結附。正矩赴江戶。請光長立長良子萬德丸。光長從之。遂請嚴有公立為世子。賜名綱國。任參河守。正矩意甚自得。欲擁綱國擅威權。於是群臣黨附長賴者皆失望。長賴積怒密與荻田主馬等謀欲殺正矩謀漏。一國擾動。遂訴之江戶。經歲不決。嚴有公病篤。謂酒井忠清曰。越後親藩也。吾不忍滅之。宜令群臣協和卿徐議之。忠清與大目付渡邊綱貞謀欲調諧之不成。至是將軍親聽訟。正矩曰。臣之所為初非有私。某事有券書。某事令某連署。老中阿

部正武曰。汝果忠耶。以誠輔君。何須券書。券書乃所以備緩急。適足見其姦詐。正矩不能對。乃詰問之。詐謀盡露。二十二日賜小栗正矩及子大六死流永見。長賴荻田主馬於八丈嶋。黨與岡嶋壹岐木多七左衛門於三宅嶋。小栗兵庫小栗十藏安藤治左衛門僧一音於大嶋。錮正矩異父兄戸川主水於陸奥。二十三日錮越後老臣三人於諸國逐五人。二十五日錮越後老臣三人。二十六日錮越後守光長於伊豫松山參河守綱國於備後福山。沒高田二十六萬石。給光長粟一萬苞。綱國三千苞。二十七日流渡邊綱。

貞於八丈嶋。大和守松平直矩上野介松平近榮皆坐正矩事屏居晦逐綱國老臣本多監物諸國聞將軍英斷莫不震怖秋七月二十七日徙封下總守奧平忠弘於陸奥白河下野守本多忠平於下野宇都宮八月十一日命老中板倉重通輔世子十三日封攝津守松平義行於信濃伊奈食三萬石義行尾張中納言第三子也九月六日對馬守堀田正英為若年寄冬十一月十五日京師所司代越前守戶田忠昌為老中丹後守稻葉正通為所司代增三萬石忠昌轉山城守二斗二日流伊賀守真田信利於

出羽沒上野沼田三萬石先是將軍命信利脩兩國橋信利採材於國曠日不成將軍聞之大怒又惡其失行遂處流信利為人暴慢儒臣佐藤直方屢諫不納乃謂老臣曰主君不悛三年必亡辭祿而去後果如其言信利妻酒井氏河内守忠舉姊也每歎曰直方不去吾家不亡忠舉乃聘直方善遇之二十五日老中內膳正板倉重通罷是日流真田信利老臣二人十二月九日老中美濃守稻葉正則罷將軍嘗欲賜馬寵臣牧野貞成使近臣曾我祐久告正則正則曰賜馬非名族不可子得無謬聞乎祐久曰

僕實不謬乃白之。將軍將軍怒曰正則識故事汝何不速還吉。命曾我祐興鉢祐久其見憚如此。十日流日向守酒井忠能於近江。沒駿河田中四萬石。忠能雅樂頭忠清弟也。姪忠舉蒙謹屏居。忠能方在國遣使請罪。將軍怒其不來謝。遂處流。七一日老中筑前守堀田正俊為大老。十三日伊勢内宮火。二年春正月二十一日增大老堀田正俊封四萬石。備後守牧野成貞二萬石。時昇平日久。上下恬嬉。武備廢弛。正俊建議毀巨船安宅丸。是後有司不復脩船艦。長崎奉行赴任。借船於西海諸藩云。二月十日

封松平賴雄於常陸肉戶。賜一萬石。賴雄水戶中納言第七子也。削播磨姬路城主松平直矩地八萬石。徙封之豐後日田。食七萬石。削上野介松平近榮地三萬石之半。武藏岩付城。主板倉重通請納地一萬石許之。徙封信濃坂本十二日。徙封中務大輔本多忠國於播磨姬路相模守王屋政直於駿河田中。十五日徙封山城守戸田忠昌於武藏巖付增一萬石。十九日徙封因幡守松平信興於常陸土浦。二十二日播磨明石城主本多政利遠江橫須賀城主本多利長皆坐苛暴失衆。沒明石六萬石。橫須賀四萬石。

各給一萬石。三月九日徙封隱岐守而尾忠成於遠江橫須賀。十二日賞駿河孝子五郎右衛門、蠲租稅從巡察使請也。十六日徙封若狭守松平直明於播磨明石能登守土井利房於越前大野。十八日觀麾下射藝二十一日減鷹師定員。二十二日徙封美作守石川乘政於信濃小諸罷若年寄為奏者石見守稻葉正休為若年寄夏四月十一日琉球來聘。二十二日以諸有司職俸為真食。五月三十二日備前前少將池田光政卒。年七十四。光政任用熊澤伯繼創學校教士民。毀境內淫祠九萬餘區修正祠七十餘。

使祠官監北蘇國中皆知尊儒賤佛。縉徒往往蓄髮還俗鄰國稱為聖人之治。已而老臣池田出羽等媿忌伯繼。伯繼致仕而去。光政以謂群臣不和。由己不德躬行愈勤。於是大臣感服。教化益行。二十六日沒美作守桑山一重食邑一萬千石。命同族三郎左衛門鋗一重以寬永寺佛會失禮也。六月十九日徙封內藏助加藤朋友於近江水口。增一萬石。秋七月朔震城樓。十六日禁百工所造器欵天下。一三字二十七日徵加賀儒臣木下貞幹為儒官。貞幹京師人幼穎悟。僧天海一見異之。請父母為弟子。貞幹不肯。年

十三作太平頃

後光明帝見而奇之將召試。會

崩而止。後師松永遐年學大進。嘗從但馬守柳生宗矩遊江戶。或薦之。大猷公為忌者所排抑。不得志而還加賀侯聞其名。聘之。貞幹辭曰。吾師之子。永三朱仕請先聘之。加賀嘉其義。并聘二人。至是貞幹徵為學士。眷遇甚渥。貞幹善教人。一時英才多出其門。而新井君美室直清最著。八月十一日召寺社奉行町奉行勘定頭曰。近歲奴婢證人頑傲成習。輕侮士人。宜考驗焉。先是麾下有殺證人賜死者。故有是命。十八日召寺社奉行大目付町奉行勘定頭曰。頃年

民情險詖。動輒爭訟。宜用心裁決。以革弊風。二十七日朝鮮來聘。九月十九日市正脇坂安致坐不孝流若狹。是月朝鮮使人獻方物於水戶參議。其書不具姓名。惟用字印參議遣使詰問。朝鮮以我將士不學。頗輕侮之。至是使者相顧驚沮。書式始從禮。冬十月十六日寺社奉行攝津守秋元喬朝為若年守。封大目付坂木重治為列侯。賜一萬石轉寺社奉行。十一月二十一日代官中川八郎右衛門坐贓罪賜死。十二月二十八日駒籠火延及日本橋。三年春正月十一日封若狹守喜多見重政為列侯。

賜一萬石。二月二日封淡路守。本多忠豊為列侯。賜一萬石。為寺社奉行。三日令長崎奉行禁買哆囉猩。旃珍禽異獸寶玩奇器。五日禁婦人衣服用金線緺繡及組織過巧。九日遣讚岐守松平頼常於京師賀立后。立坊十八日遣若年寄稻葉正休於攝津巡檢水路十九日停諸藩獻純子繻子時服。是日令曰無子者暴病請養人子。萬石以上招大目付。驗視華押萬石已下無長官者招日付。是月禁畫師工匠及商人猿樂人給事。幕府者擅佩大刀。三月三日召高力隆長二子忠弘右衛門賜祿。夏五月二日召兵左

衛佐梶定良於日光進從四位下。增一千石。定良本姓菅沼氏。為梶某所養。已而某生子。定良乃讓為嗣。大猷公嘉之。更賜廩俸為小十人。累擢為小納戶。以勤憲見重。及二公薨。送柩至日光。遂留家焉。每日夙興。詣廟拜伏如事存。往往立風雪中。至體僵口噤。不已數十年如一日。嚴有公時。增祿至千石。至是食三千石。二十四日。光地大震。寶塔九輪墮。石壁崩。二十五日。遣對馬守堀田正英於日光。閏月二十八日。世子薨。是月攝津河內。播磨伊勢大水。秋七月五日前越後少將忠輝卒於信濃。諷訪八月二十一

日徙封出雲守久世重之於備中庭瀨。九月二日徙封備後守牧野成貞於下總關宿。增二萬石。冬十月十九日令曰今歲豐穰諸國宜蓄米穀以備凶荒。十一月十二日命儒臣林春常人見友元木下貞幹考訂參河記。二十二日封奏者安藝守大久保忠增為列侯。賜一萬石。

貞享元年春二月二十二日將軍觀猿樂。二十八日紅毛來聘。三月白川漕輸船與水戶船相觸。詰詈構怨。晦白川舟子結黨持弓箭要水戶舟子於淺艸川。欲盡殺之。水戶舟子僅數人執柁槧拒鬪。皆被創

或告急水戶邸。有司請遣兵救之。參議曰敵聞不過晷刻。今發兵已晚。况彼肆其狂怒。我又從而效之。此亦狂矣。終不遣一人。會他船來救獲解。參議曰彼有餘忿。安知其不乘夜來襲也。乃遣兵士於矢嶋別莊備之。令曰彼縱持兵來攻。我但以捉禦之已而幕府捕白川舟子梶之川上。夏四月六日大坂城代攝津守大田資次卒。子資直嗣。秋七月十日相模守土屋政直為大坂城代。增二萬石。十九日徙封備中守。大田資直於駿河田中。二十二日沒伊賀守土方雄直食邑一萬石。流之越後。雄直無子。約養林助之進。

為嗣老臣川合圖書安部長藏不服黨樹要雄直請養兄子內匠雄直不能制。携內匠至江戶。助之進大怒訴之大目付。雄直遂得罪。內匠坐流八丈嶋。助之進流伊賀。圖書長藏賜死。晦沒伊豫守有馬豐範食邑一萬石。流之筑後。以與土方雄直有姻而不救其難也。八月二十八日。若年寄稻葉正休殺大老堀田正俊於城中。一坐驚以為喪心爭挺刀亂斫。正休回顧微笑而死。正休素與正俊親善。正俊恃寵專橫。正休屢箴規之。正俊怒。會攝津人請浚川。正休受命巡檢。聚衆議之。其役非費四萬金不成。乃還報。正俊潛

召富人川村隨軒曰。汝能以二萬金成功。吾當薦汝。隨軒許諾。遂往興役。正休大怒謂人曰。甲斐高坂彈正少鯨譽。諤真良臣矣。獨恨不殺迹部長坂耳。是日將出。以寶刀示左右。醫官戯曰。以此斫人。醫藥不能救正。休大悅。遂以其刀斬正俊。正俊素有權勢。弔者填門。正休家唯親戚往弔而已。人不敢往。獨水戸參議攜世子往弔焉。冬十月十日。命正俊子下總守。正仲襲古河十萬石。割二萬石封次子正虎。一萬石封第三子俊音。十一月十日。修理亮松平重治坐事没上。總佐貫一萬五千石。流陸奥。二十八日。碁師保井。

算哲獻貞享新曆。時海內用宣明歷千餘歲錯謬稍多。算哲據元人授時歷造新歷獻之。十二月朔擢算哲為天文方。算哲更姓名曰濫川春海。

二年春二月十二日以民間擅弄鳥銃懸賞格募告者。二十二日將軍女鶴姫適紀伊世子。先是將軍以鶴姫尚幼欲養世子於城中謀之三藩水戶參議曰不可翁主雖幼從以群婢即在藩邸何以異於城中。猶慮其幼不如待年。今使紀世子長於城中異日還藩即將何以為情。將軍從之是月後而上皇崩三月三日紅毛來聘。夏六月二日阿媽港船

來長崎送還伊勢漂民十二人。長崎奉行川口宗恒留阿媽港人報之江戸。十日日向守松平信之為老中二十一日伊賀守松平忠榮為若年寄。二十二日徙封日向守松平信之於下野古河。下總守堀田正仲於出羽山形下野宇都宮。增信之一萬石。將軍聞熊澤伯繼在大和。命從信之遷古河。秋七月二十日若年寄松平忠榮為近。八月九日奏者備中守太田資直為若年寄。是月命長崎奉行諭阿媽港人曰汝犯我大禁。特以其送漂民放還汝他日或遣

漂船慎勿送還。九月二十三日大坂城代土屋政直為京師所司代。二十四日所司代稻葉正通罷。二斗七日若年寄內藤重賴為大坂城代增二萬石。十二月十一日徙封丹後守稻葉正通於越後高田。三年春正月十一日若年寄太田資直為近。二十一日徙封加賀守大久保忠朝於相模小田原山城守戶。田忠昌於下總佐倉。伊賀守松平忠榮於武藏岩付。二十六日徙封出雲守久世重之於丹波龜山增一萬石。二十八日紅毛來聘。閏三月六日越前守松平綱昌坐談心沒福井四十七萬五千石給米二

萬苞賜福井二十五萬石於父昌親。十二日將軍臨小石川別館。夏六月十八日始置二丸張番四員。二十七日將軍自為猿樂令諸藩及諸士觀之。二十九日攝津守太田資直罷近。秋七月十三日徙封下總守堀田正仲於陸奥福嶋。大和守松平直矩於出羽山形增直矩三萬石。二十二日老中松平信之卒。子忠之嗣。八月九日定朝鮮通商之法。一歲以金一萬八千兩為限。禁買無用品物。二十一日增長崎奉行一員二員赴任。一員留江戶。九月二日將軍聞家人暴桀子弟結黨橫行。號神祇組。命捕二百

餘人抵之罪。五日命林春常輯古今災異為一書。十八日參河記考訂成。更名武德大成記。賞林春常等以白金時服。冬十月二十二日臨品川別館十二月十五日定琉球通商之法。一歲以金八千兩為限。是歲割利根川以西下總地屬武藏。

四年春二月二十一日令曰失家犬者必須搜索。若他犬來須收養之。求其主還之。初將軍既喪世子百方求嗣知足院住持隆光白曰人之乏嗣皆前身多殺之報也。今欲求嗣莫若禁殺生。且將軍生年在戌。戌屬狗最當愛狗。將軍然之。因有是命。二年

六日停獻生魚海錯。是日始置桐間番二十八日紅毛來聘。三月八日禁畜魚鳥府下畜鳥供人食者令盡放之。二十六日將軍臨小石川別館二十三日始置廊下番。二十六日天皇讓位。皇太子是為東山天皇。夏四月七日將軍遣肥後守源正容於京師。賀騰極。十一日令曰富民貸錢貧民暫收田園者不得使田主出租稅。鬻田園者異日若欲償還必勿拒之。又曰有棄子者必須收養之。凡鳥獸之類有創傷者所在訴之官。有生之類慎勿傷害。五月十八日以能登守戶田忠真為寺社奉行。賜一

萬石。忠真山城守忠昌子也。六月二十六日淡路守  
秋田輝季家臣只越甚太夫山本兵助坐殺燕庭斬。  
流其子殺生之刑始此。秋七月九日流不受不施宗  
僧日庭日弘於佐渡嶋。八月二十五日帶刀溝口政  
有坐齟狂沒食邑一萬石。二十六日尾張美濃大水。  
九月九日京師奈良大風。春日賀茂貴布禰稻荷祇  
園韋馬諸社皆壞。冬十月十三日京師所司代土屋  
政直為老中。大坂城代内藤重賴為所司代。因幡守  
松平信興為城代。十四日下野烏山城主那須資德  
獲罪國除。初遠江守那須資祇有庶子曰圖書。不以  
所著也。

為嗣子養資德。資德越中守津輕信政子。圖書因  
寃永寺座主訴之。遂坐沒烏山二萬石。二十一日徙  
封相模守土屋政直於常陸土浦。伊賀守永井直敬  
於下野烏山。二十四日宥前越後守松平光長。召之  
配所賜米三萬苞。十二月朔定民間鳥銃之數。二十  
七日召還前參河守松平綱國是冬熊澤伯繼上書  
論得失。將軍大怒命錮之。古河是歲清人齋蠻書  
寰有詮而至。長崎人向井元成知其為耶蘇書訴之。  
將軍賞以月俸。命檢船來書。寰有詮西洋人溥汎際  
所著也。

八日遷湯嶋知足院於神田橋外大營伽藍以為禱  
祈之所夏四月二十一日將軍臨備後守牧野成  
貞第五月十四日行改定服制十四日以佐久間織部  
勝親為小姓勝親辭以病將軍大怒十八日流勝  
親於陸奥沒食邑一萬石二十五日臨牧野成貞第  
觀歌舞秋九月三日詣山土社過牧野成貞第十二  
日伊豫守牧野忠英為眠近冬十月十三日忠英罷  
眠近十一月十二日遠江守南部直政出羽守柳澤  
保明為眠近保明初稱弥太郎爲次番食二百五十

芭稻葉正休之殺堀田正俊牧野成貞將告變趨而  
入保明遏之成貞曰孰遏我者保明日君安得佩刀  
而入成貞驚謝曰吾過矣脫刀而入將軍適窺見  
異之擢為小納戶寵遇日厚累增祿秩至是食一萬  
二十餘石十八日臨知足院過牧野成貞第親為猿  
樂成貞令侍兒起舞成貞亦起舞將軍盡驩而罷  
二十一日謁忍岡聖廟即法印林春常別墅也命春  
常講經賜賚甚厚

二年春正月十五日天文方告老人星見諸有司獻  
酒穀賀之二十六日遠江守南部直政罷眠近閏月

平日臨備後守牧野成貞第。二十五日臨知足院。二月二日若狭守喜多重政坐事奪食邑二萬石流伊勢。十四日紅毛來聘。二十一日謁忍岡聖廟。三月十二日伊賀守松平忠榮罷近。夏四月八日遣使脩久能山神廟。二十二日臨牧野成貞第。五月二日壹岐守三浦明敬罷若年寄為奏者。三日大膳亮山內豐明為若年寄。十一日豐明病免安房守松平信孝為若年寄。出雲守金森賴時為近。六月四日削內記坂木重治食邑七千八百石。淡路守本多忠豐三千石。備前守大岡清重七百石。伯耆守彦坂重治一千七百石。長門守佐野正周一千石。九日禁優童舞女出入邸。第二十八日令曰。猪鹿豺狼之類傷人害田園者。許用鳥銃其他殺生悉皆處刑。八月三日削大膳亮山內豐明食邑二萬七千石。賜三千石。初豐明兄右近大夫豐定卒。子豐次尚幼。故命豐明併食其邑。至是豐次死。因削兄邑。五日山內豐明坐不敬流遠江。九日升加賀守前田綱紀坐次班三藩之後。十日沒左京亮馬居忠則信濃高遠城三萬石。賜子忠英一萬石。先是忠明受命守城門。其士高坂權兵衛夜潛出城窺小姓平岡和泉第。衆怪捕之。而忠

則不知也。將軍命高坂同寮推問。令忠則屏居會病室。高坂亦歎舌自殺。遂有是命。冬十月二十二日臨牧野成貞第晦臨小石川別館十一月十日臨牧野成貞第二十六日大夫人徙居三丸新第封因幡守本莊宗資為列侯賜一萬石。宗資大夫人之弟將軍之在館林招之京師授八百石。是日封侯宗資為人循謹以盛滿為戒常掛五十錢於梁書其旁曰三扇函人問其故曰吾昔在京貧甚適關東有命招我。我乃之市欲買扇三柄贈一摺紳叙別囊中僅有五十錢市人聞關東招我不論直而授扇其窮如此。

今日身極榮顯恐忘寒素。故揭此自警耳。十二月一日臨牧野成貞第十三日招成貞家士三人為廊下番。二十一日召歌人北村季吟授祿。

三年春正月禁沃水之戲。二月十日將軍詣山王社。過備後守牧野成貞第十五日大夫人臨知足院及護國寺。十八日將軍臨知足院賜五百石。二十八日紅毛來聘。三月二十日謁忍岡聖廟。二十五日增寶藏番頭一員。夏四月九日臨牧野成貞第觀歌舞。五月二十一日臨成貞第秋七月九日將軍從新聖廟。以忍岡狹隘。命移建於本鄉。令右京亮松平

輝貞督役十日右近大夫內藤政親為若年寄十二  
日先是命脩日光神廟令掃部頭井伊直該督役直  
該在日光三年而畢功是日還謁賜以名刀八月十  
二日以日光神廟脩造訖功親為猿樂召諸藩及諸  
士觀之二十日召諸有司親講大學此後每月一  
次以為常將軍喜怒無常近臣多忤旨獲罪或幽  
死牧野成貞憂之勸將軍好讀書闡誦孝經大學又學猿  
師作戲由是將軍好讀書闡誦孝經大學又學猿  
樂云九月二日親為猿樂召神官僧徒一千六十七  
人觀之六日臨牧野成貞第親講經講畢觀舞伎十

三日擢猿樂師三人為廊下番二十日召諸有司  
諸隊長面諭曰文武不可偏廢卿等其留意文學乃  
命法印林春常講論語此後每月一次以為常冬十  
月十四日先是水戶參議屢請致仕是日命許之令  
世子少將襲封十五日水戶參議任權中納言將  
軍召之傳詔參議辭曰既已致仕何以官爵為請讓  
之少將老中大久保忠朝曰先君固嘗拜此官請勿  
辭參議乃奉詔二十日佐渡守加藤明英為若年  
寄十一月十八日臨護國寺二十七日京師諸司代  
內藤重賴卒子清救嗣十二月九日臨牧野成貞第

十五日甲斐參議任權中納言。水戸少將任左近衛

權中將。二十一日臨牧野成貞第二十二日聖廟成

二十六日大坂城代松平信興為京師所司代

四年春正月十一日奏者伊豫守土岐頼殷為大坂  
城代增一萬石。十三日命法印林春常信篤蓄髮任

大學頭。十八日命儒官悉蓄髮。二十二日將軍詣

山王社過備後守牧野成貞第。二十五日臨知足院

二月七日遷忍岡聖像於新廟。將軍親書大成殿  
三字揭之。命畫師狩野並信畫七十二賢及先儒像  
改本鄉坂曰昌平坂相生橋曰昌平橋九日徙封松

平原次郎乘邑於志摩鳥羽。周防守土井利益於肥  
前唐津。丹後守内藤清政於信濃高遠十日。將軍  
謁聖廟觀釋奠禮。置祭田一千石。晦紅毛來聘。三月  
六日臨牧野成貞第。二十二日臨出羽守柳澤保明  
第。保明新營亭榭。供設甚盛。將軍大悅。食賜及家  
人。夏五月九日臨保明第親講經。二十二日臨牧野  
成貞第。六月二十二日以日向縣城主有馬永純境  
內不治民多逃亡。逐永純郡代代官各一人。磔其民  
二人。斬三人。流六人。秋七月六日震日光。八日遣豐  
後守阿部正武於日光。十二日流日蓮宗悲山孤僧

及禮越二十六人於八丈嶋八人於三宅嶋五人於新嶋七人於神津嶋先是令諸國禁悲田派而猶有奉之者故抵之罪八月二十七日召柳澤保明家臣二人列麾下閏月二十六日佐渡守小笠原長重為京師所司代九月十一日臨柳澤保明第二十一日臨牧野成貞第二十五日常陸上浦城主松平信興卒無子將軍特命信興甥石京亮輝貞襲封輝貞前此為側衆食七千石至是襲三萬二千石冬十月十三日臨柳澤保明第二十二日奪左衛門佐有馬永純縣城賜越後絲魚川五萬石十一月四日臨牧

野成貞第十二月九日臨成貞第十一日臨柳澤保明第

五年春正月二十日增留守居為五員二十五日將軍臨知足院二月四日臨備後守牧野成貞第十三日謁聖庵觀釋奠親講論語二十二日臨出羽守柳澤保明第二十三日徙封壹岐守三浦明敬於日向縣右京亮松平輝貞於下野壬生二十六日以大坂城代土岐頼隆城邑甚遠更賜食邑於越前廢舊封出羽上山城三月六日紅毛來聘十五日親為猿樂令諸藩觀之夏四月九日臨牧野成貞第十一日

臨柳澤保明第。五月九日先是美濃郡上城主遠藤常久沒。年僅四歲。不得養異姓。將軍念其舊勲。是日以淡路守戶田氏成養子胤親為嗣。賜一萬四千石。秋七月二十一日下總守奥平忠弘坐群臣離貳逃亡者衆。沒陸奥白河城削五萬石家臣二人流新嶋。二十七日徙封大和守松平直矩於白川增五萬石。二十八日徙封飛驒國主出雲守金森賴時於出羽。上山八月十一日流高野山僧徒背法者六百三十七人於大隅薩摩肥後天艸肥前五嶋壹岐隱岐。先是高野山李侶行人相訴。將軍令執政判決。定

法令二十餘條。僧徒不服。復相訴。執政移書諭之。僧徒猶喧譟不已。遂處流。十六日封下總守奥平忠弘於出羽山形。十八日臨牧。成貞第九月二十六日臨柳澤保明第。冬十月斗日臨牧野成貞第二十五日臨小石川別館。二十七日臨柳澤保明第十一月十一日臨因幡守本莊宗資第。徙封之常陸笠間增二萬石。十二日徙封中務少輔井上正任於美濃郡山。十四日增柳澤保明封三萬石。十二月二十日下總守奥平忠弘致仕。子忠雅襲封。二十一日臨牧野成貞第。是歲水戶中納言聞楠止成墓蕪廢歲久。

遣儒臣脩之以正成嘗食和泉河內攝津採石三國  
造碑趺。題曰嗚呼忠臣楠氏之墓

六年春正月朔停用免羨以魚代之。七日右京亮松  
平糧貞為近。二月四日臨出羽守柳澤保明第九  
日臨知足院。二十一日謁聖廟。二十二日召列侯已  
上親講中庸。二十八日紅毛來聘。夏四月五日臨柳  
澤保明第十八日臨備後守牧野成貞第二十一日  
召諸藩及諸士親講周易。此後每月三次以為常。  
十三日尾張大納言致仕。世子參議襲封。六月十三  
日出雲守本多政利坐橫殺侍女沒食邑一萬石。流

出羽秋七月七日因幡前少將北田光仲卒。八月七  
日始造淺草柳橋。十八日令曰殺生既有大禁。而近  
聞私釣魚者未嘗絕。若窮治之獲罪者必多。宜令町  
奉行停釣舟。二十一日臨因幡守本莊宗資第九月  
三日臨柳澤保明第十二日更餉差町曰富坂町。冬  
十月三日臨護國寺十五日三藩請納獵場許之。二  
十二日臨小石川別館。命從臣獻歌詩。十五日臨  
牧野成貞。十一月十八日臨本莊宗資第二十五  
日下總古河城主松平忠之坐喪心沒古河八萬石  
賜弟信通三萬石。二十七日先是出羽守水谷勝美

卒養子勝晴嗣是日勝晴亦沒遂沒松山五萬石賜  
勝美弟勝時三千石。將軍命中務大輔木多忠國  
正松山經界忠國令老臣氏家有忠監之得十萬石  
將軍賞有忠以時服白金後每有丈量事吏皆取法  
於有忠云。十二月朔尾張參議任權中納言水戶中  
將任參議三日臨柳澤保明第二十一日再改定服  
制。是月越中守而鄉壽員坐事削食邑一萬石之半  
七年春正月七日徙封出羽守柳澤保明於武藏川  
越伊豆守松平信輝於下總古河增保明一萬石二  
十五日將軍臨知足院。二月三日臨柳澤保明第

十一日擢大學頭林信篤門人松浦莊藏土田孫三  
郎為儒官。十九日彈正忠松平正久為若年寄二十  
五日謁聖廟晦臨加賀守大久保忠朝第三月朔紅  
毛來聘十日臨豐後守阿部正武第二十五日臨山  
城守戶田忠昌第夏四月十日臨相模守土屋政直  
第十二日臨牧野成貞第三十一日增大久保忠朝  
阿部正武戶田忠昌土屋政直封各一萬石。二十六  
日召諸藩親講論語令水戶中納言講大學晦臨因  
備守木莊宗資第增一萬石。五月二十二日令曰愛  
物之令屢布民間而創傷之犬往往有之自今已後

有犬被創隱匿不發一村悉坐之晦禁棄犬于路旁令所在收養閏月十二日臨增上寺講經令紫衣已上僧聽之以住持了北爲大僧正秋七月十八日令諸士曰勿廢文學勿怠武藝十九日禁齋鞠八月二日步上頭佐野內藏允家僕坐殺猪處斬內藏允坐采邑民多逃亡罷職磔其民一人流七人逐一人九月三日臨柳澤保明第二十二日謁聖廟冬十月三日臨金地院聚僧徒問佛法賜寺田二百石十八日臨護國寺賜三百石二十二日臨本莊宗寶第二十五日臨小石川別館十一月九日擢林信篤門人

中村新兵衛松浦藤五郎爲儒官十二日括府下金魚放之藤澤寺池二十九日前大隅守嶋津光久卒十二月三日臨柳澤保明第九日保明任侍從準老中

八年春正月九日

將軍以年滿五十賜宴當直者

諸藩獻酒殻賀之二十五日臨知足院賜五百石二月五日先是伊豆守織田信武手刃家臣剗腹而死是日信武子信恒坐削八千石襲三萬石八日四谷火延及海濱十日臨出羽守柳澤保明第十二日毀飛驒高山城二十七日臨因惱守本莊宗資第二十

八日紅毛來聘。

三月二十二日飛彈守本多重益坐

苛酷沒越前丸岡四萬三千餘石夏四月四日臨加

賀守大久保忠朝第十三日臨備後守牧野成貞第

晦誅本多重益家臣一人逐四人五月朔徙封對馬

守安藤重博於備中松山左衛門佐有馬永純於越

前丸岡四日臨柳澤保明第十日臨右京大夫松平

輝貞第徙封之上野高崎增一萬石十二日臨豐後

守阿部正武第十五日徙封佐渡守加藤明英於下

野壬生播磨守島居忠教於近江水口增忠教一萬

石是月造養犬所於四谷秋七月六日聽陸奥守伊

達綱村割三萬石封其弟村和十二日崩世尊院於  
下谷賜寺田二百石八月十一日命改鑄金銀謂之  
元祿金先是將軍欲謁日光神廟謀之執政執政  
曰日光之行非費十萬金不可今將軍好施國用  
匱乏累世儲蓄掃地無遺十萬之財不易遽辦將  
軍流涕曰吾統理海內而數日之行猶且不能辨窮  
乏一至此乎不樂者累日執政憂之召諸有司問之  
吟味役薪原重秀進曰海內金幣自有定數不可得  
而增減今若改鑄之省以佗金則其數自陪矣執政  
然之遂請改鑄將軍許之於是省金以銀銅省銀

以銅錫皆半原金。海內始造惡弊。議者惜焉。二十一  
日謁聖廟。九月四日臨山城守戶田忠昌第六日命  
執政已下諸有司曰卿等用心獄訟裁決曲直勿有  
偏私。善講聖經。令卿等聽之。庶卿等勉勵學術。有所  
裨益。十日臨柳澤保明第。十二日臨相模守土屋政  
直第十八日臨知足院。以住持隆光為大僧正。更號  
護持院。冬十月十二日臨本莊宗資第。十四日造養  
犬所於中野。括街坊壯犬。每日一千放之中野。群犬  
狺狺聲聞數里。十六日大坂與力十人坐擅發鳥鏡。  
賜死。十八日臨金地院。十一月二十九日老中牧野

成貞致仕養子成春襲封。成貞初食二千石至是傳  
七萬三千石。成貞熙子嘗養黑田直相子成任為嗣  
成任有故自殺。將軍命成貞子養小姓山名泰豐  
泰豐本姓金田氏。為伊豆守山名矩豐所養。於是解  
曰臣既冒山名氏。奈何再冒他姓。敢辭。將軍怒砍  
抵罪成貞請曰泰豐固有罪。然被拒君命。所以報  
義父。其孝可嘉。彼而獲罪。臣不忍復立嗣。願宥彼罪  
使臣更養他入子。將軍乃宥泰豐。成貞養妻兄子  
為嗣。即成春也。十二月十日臨柳澤保明第。是歲  
天皇賜和歌壽。將軍五十。

九年春三月二十八日以側衆丹後守米倉昌尹爲若年寄賜一萬石爲列侯。昌尹五世祖重繼事武田氏有勇名始造竹牌者也。夏四月四日將軍召三藩親講經秋九月六日前美濃守稻葉正則卒十八日臨出羽守柳澤保明第是月老中大久保忠朝以年老免月番冬十一月十日明正上皇崩十二月五日水戸世子任左近權衛少將。十一日賜會津侍從源正容松平氏。三十日故直隸守軍參謀柳原時政。正容之子正義。正義之子正義。正義之子正義。

西

七

冊一冊